

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historia Zaringo Badensis**

**Schöpflin, Johann Daniel**

**Carolsruhae, 1763**

Caput VIII. Zaringicarum terrarum divisio

[urn:nbn:de:bsz:31-295084](#)

---

## C A P U T VIII.

### ZARINGICARUM TERRARUM DIVISIO.

---



#### §. I.

Prima Zaringicorum bonorum divisio facta est mortuo Bertoldo I. inter filium ejus Bertoldum II. & ex Hermanno I. triennio ante apud Cluniacenses defuncto, nepotem, Hermannum II; quorum ille Zaringicas Brisgoviae præcipuas cum Suevicis terras; hic paternum *Marchionis* titulum continuans, Hachbergica, Ortenavica & Ufgovica bona avi sui accepit. Unde Bada Ufgoviae, Marchioni subjecta, pedetentim *Marchionatus* elogio cœpit ornari. Secunda distractione Adelbertus, Bertoldi IV. frater, terras illas Teccenses, ut peculiarem Dynastiam, sortitus est, quæ deinceps confuetudine & usu formulam induerunt *Ducatus*, quod Adelbertus, ejusque successores Teccenses, Ducali sanguine nati, nomine *Ducum* insignirentur. Postrema Zaringensium terrarum distractio

Divisio-  
nes tres.

facta est, quum linea Zaringensis A. 1218. periret. Tum vero ad proximos agnatos, Teccæ Duces, Bertoldi V. patruelæ, & Hermannum IV. Marchionem Badensem, patrimoniales Zaringicæ terræ transituræ videbantur; sed omnia allodia ad Bertoldi V. forores, Agnetem & Annam, transierunt.

### §. II.

Bertol-  
di V. he-  
redes.

**E**x feudis ad lineam Badensem præter Landgraviatum Brisgoviae (a) nihil, quantum novi, pervenit. Teccenses jura sua, ut in iis mox videbimus, Friderico II. Imp.<sup>t</sup> vendiderunt. Fridericus hic Civitatem Friburgi in Brisgovia, Bernam, Friburgum (b) & Salodurum in Helvetia Burgundica, Turicum cum Præfectura in Helvetia Alemannica, & Rheinfeldensem Comitatum in suam, Imperii nomine, potestatem revocavit; unde lites inter eum & forores Bertoldi V. earumque maritos.

Uraci  
Comes.

Uracensis Egeno, (c) maritus Agnetis, anno sequenti, Ulmæ primum, dein Hagenoæ cum Imperatore transegit; (d) qui

(a) Vid. infra Lib. III. Caput de Landgraviis Brisgoviae.

(b) Bernam & Friburgum a Bertoldo V. adhuc vivente traditas fuisse Friderico II. Imp. scribit GUILLIMANNUS *Habsb. L.* VII. Cap. II. p. 343.

(c) Castrum *Urach* non Wirtenbergicum illud notum, sed aliud Nigræ Silvæ Castrum fuit. Utrumque ad Furstenbergios pertinuit.

(d) Ut ipse Fridericus II. Imp. in Charta A. 1219. Hagenoæ data testatur, quam in Documentis exhibemus.

qui Friburgum & alia eidem restituit. Hoc modo Egeno , cognomento *Barbatus*,<sup>(e)</sup> Sueicas & Silvæ Nigræ terras cum Friburgo, Brisgoviae civitate, in proprio Zaringorum fundo exstructa,<sup>(f)</sup> accepit. Idem Egeno sane in Charta An. 1219. Friburgum Civitatem *suam* vocavit. Hic deinceps in monte vicino castrum exstruxit, ut Friburgenses in obsequio contineret. In Castro hoc, quod *Burghald* vocabant,<sup>(g)</sup> diu habitavit Egenonis progenies, titulo Comitum Friburgi clarescens ; a quibus urbs An. 1368. libertatem redemit ; brevi post in Austriacam transitura ditionem, ut infra docebitur. <sup>(h)</sup>

### §. III.

Altera Bertoldi V. soror, Anna, uxor Ulrici , Comitis Kiburgi , ex quo matrimonio Heilwigis , mater Rudolphi <sup>Kiburgi Comes.</sup>

(e) Egino Comes, Agnetis maritus, in Charta Tennebac. An. 1220. Friburgum Civitatem fundatam esse scribit „ ab illistribus Ducibus Zaringie , „ progenitoribus uxoris mee , Domine Agnetis Comitisse , cuius ego „ jure matrimonialis consortii advocatus existo &c. „

(f) Vide supra in Bertoldo III. §. III. pag. 90.

(g) KIEFFER *de Domo Habsburgo-Austr.* pag. 146.

(h) Cap. X.

Habsburgici, nata est, (*i*) allodialia Helvetiae bona accepit, quæ Conradus Zaringus, ex familia sua primus Regni Burgundici Rector, ut & filius ejus neposque ab A. 1127. usque ad A. 1218. acquisiverunt. Burgdorffii Comitatus Helvetiae in Kiburgensium Comitum manibus ad extinctam eorum gentem usque permanxit. Sedes Comitum in sublimi fuit castro, quod imminet oppido. Comitatus hic Clementiæ, Bertoldi V. viduæ, a marito in dotalitium

(*i*) *Kiburgi Comitum Tabula :*

ULRICUS. (*Charta A. 1218. Herrgott.*) Uxor Anna Zaringica, Bertoldi V.  
foror. *Chron. Constant.*

*Filiu Ulrici. Charta 1223. Herrg.*

HARTMANNUS. *Charta*  
A. 1271. apud Herrg.  
Rudolphus I. eum  
vocat avunculum.  
*Herrg.*

WERNER. Hunc Annæ  
Zaring. maritum facit  
Guillim. de Reb. Helvet.  
L. II. C. 15.

HEILWIG.  
Uxor Alberti  
Habsburgici.

HARTMANNUS junior,  
Rudolphi I. consobrinus,  
possessor Burgdorffii.  
*Charta Ann. 1275. ap.*  
*Herrg.*

RUDOLPHUS  
HABSBURG.  
Romanorum Rex  
nat. 1218.

Unde *Annales Colmar.* ab initio : „ natus est (Rudolpus) de  
„ progenie Ducis Zeringiae eodem Anno 1218. quo Bertoldus  
„ deceperit.

destinatus fuerat. Sed Comes Egeno captivam eam tenens, occupavit Comitatum, qui tamen deinceps ad Kiburgenses pervenit. Reliquæ Burgundicæ apud Helvetios terræ ita divisæ, maximam ut Pagi Vaudensis partem Sabaudiæ Comes, (*l*) aliam ejusdem Vaudi & Uchtlandiæ partem Lausannensis Episcopus, Kiburgi, Grierii, Novi Castris Comites & Gransonii Dynasta aliique acceperint.

## §. IV.

**B**erna Ottonem Comitem de Regensberg Advocatum Berna.  
Imperii ab initio habuit; sed brevi post ab omni Advocatia  
liberata, (*m*) Civitas Imperii libera evaluit. Henricus VII.  
Romanorum Rex A. 1224. V. Kal. Jan. Bernæ judicium habuit. (*n*)

Friburgum ejusdem, uti Berna, Uchtlandiæ civitas, a Friderico II. Imp. An. 1219. Hagenoviæ libera Imperii urbs agnita, protectorem primo Comitem Kiburgi, qui Burgdorfii

Cc 2

Friburg.  
Helvet.

(*l*) GUICHENON. *Hist. de Savoye.*

(*m*) NAUCLERUS Vol. II. Generat. XXXIX. fol. 754. SIMLERUS in *Helvetia, Art. Berna.*

(*n*) In sententia, quam pronuntiavit, Henricus ait: „Coram nobis jam „pridem apud Bernum in judicio residentibus &c.„ In fine ait: *Datum „apud Bernum.*

fedebat , atque deinceps extintis Kiburgiis , Habsburgenses sibi  
Advocatos elegit; (o) foederi denique accessura Helvetico. (p)

Turicum.      Turicum, post Zaringos, pleniorum quoque immunitatem  
Civitatis liberæ , uti Friburgum accepit & Berna. Zaringenses  
jus eligendi senatum & Advocatiam in Monasteria illius urbis  
exercuerunt. Hanc Fridericus II. Imp. in specialem Imperii  
tutelam recepit , ac jus eligendi senatum transtulit in cives, (q)  
addiditque , urbem ab Imperio nunquam posse sejungi. A. 1251.  
fossa fuit munita & vallo , atque cum Suitensibus & Uraniis foedus  
inivit ; donec Helvetico majori foederi A. 1351. accessit.

---

(o) GUILLIMANNUS de *Rebus Helveticis* Lib. III. Cap. IX.

(p) An. 1481.

(q) BLUNTSCHLI *Memorabilia Tigurina* pag. 344.



CAPUT

T A B U L A I V.  
G E N E A L O G I A D U C U M T E C C E N S I U M

BERTOLDUS II. Dux Zaring. † 1111.

---

BERTOLDUS III. Dux Zaring condit Friburgum Brisgovie 1120. † 1122. CONRADUS Dux Zaring fit Rector Burgundiae 1126. † 1152.

---

BERTOLDUS IV. Dux Zaring & Rector Burgund.	Rudolphus Episcopus Leod.	ADELBERTUS 1152. & 1181. Dux de Tecke 1193.
† 1186.	† 1189.	et 1215.

---

CONRADUS I. Dux de Tecke 1232. BERTOLDUS Princeps Teccensis, Episcopus Argent. 1223. † 1244.

LUDOVICUS I. Dux Tecc. 1249. et 1258.

---

LUDOVICUS II. Dux de Tecke 1278. † 1283. sepultus in Owen	CONRADUS II. Dux de Tecke 1278. † 1292.
---	---

---

LUDOVICUS III. Dux 1279. † ante 1295. Ux. Luitgardis Marchionissa Burgoviae.	HERMANNUS I. Dux 1295. et 1302.	SIMOS 1305. † 1316. Ux. Agnes Com. de Helfenstein.	COSKADUS 1305. † 1329.	LUDOVICUS 1305. † 1334. Ux. Margaretha de Truchendingen.	FRIDERICUS 1305.
--	---------------------------------	--	------------------------	--	------------------

---

LUDOVICUS IV. Dux 1328. Judex Coriae Imp. 1346.	HERMANNUS II. Dux 1343. & 1361.	LUTZMANNUS 1314.	FRIDERICUS I. Dux 1317. Advocatus provinc. Augstianus 1347. Sueviae & Alsatiae Austr. 1359.
---	---------------------------------	------------------	---

---

FRIDERICUS II. Dux 1371. vendit Teck et Kirchheim 1381.

CONRADUS III. Dux nat. 1385. † post 1381.	FRIDERICUS III. Dux 1409. † 1432. Ux. Anna, Canimiri Ducis Polon. filia.	ULRICUS Ux. Anna, Ca-	GEORGIUS S.Th.D. Provincialis Baron. Aquile-	LUDOVICUS V. Patriar-	AGNES Ux. Heinr. Com. Aquile-	MARGARETHA de Werden-	GUTA Ux. Com. de Orten-	IRMEN-
		simiri Ducis	variae.	jenis † 1439.	berg.	derici Com.	Wertheim.	GANNAIS
		Polon. filia.		familie sua		de Berg.		Uxor Viti
				ultimus.				de Rechberg.

Landesbibliothek  
Baden-Württemberg